



29. februar 2012

Inatsisartut suleriaassianni § 37, imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Kalaallit Nunaanni inuussutissat tuniniarneqarnerini ullut killiliussat immikkut akuerineqartarneri pillugit Naalakkersuisunut apeqqut.

(Inatsisartuni ilaasortaq Juliane Henningsen, Inuit Ataqtigiit)

1. Ilisimasat naapertorlugit Siunnersuisoqatigiinnut Aalajangiisartunullu Aqutsisoqarfik tassaavoq nerisassanik nunatsinni tuniniagassanik ullulersuinernik immikkut akuersinnaatitaasut. Immikkut akuersisarneq inatsisit suut tunngavigalugit pisarpa?
2. Ullunik killigititanik nalunaarsuinerit pillugit immikkut akuersinissanut aalajangiinerni suut tunngavigineqartarpat?
3. Nioqqutissat tunineqarsinnaaneritut ullulersuinernik nalilersuinerni aalajangersimasumik - "Best before", "Atorsinnaaneranut ulluliussaq kingulleq" aamma "Tunineqarsinnaanerata killinga" kiisalu nalunaarsuutit allaasinnaasut najoqqutaralugit immikkoortiterisoqartarpa, aalajangiinernilu suut tunngavigineqartarpat?
4. Inuussutissat eqqarsaatigalugit tunineqarsinnaaneritut ullormik kingullermik nalunaarsuinerni ukiuni pingasuni kingullerni ulluliussaq kingulleq qaangerlugu tunisinnaanermut immikkut akuersissutit amerlisimappat imaluunniit ikilisimappat?
5. *Inuutissat pisiarinerini ajortunngorsimasunik nerisimaneq* pissutigigunavillugu inuit qassit - taammattoqarsimappat - ukiut pingasut kingulliit ingerlanerini nerisassanik toqunartoqalersimasunik eqqorneqarsimappat?
6. Pisortat tungaanniit immikkut akuersisarnerit amerlassusaat pillugit allaffisornikkut immikkut akuersisarnerit ikilisarneqarnissaannut illup iluani maleruagassaq imaluunniit siunertarineqartoq tunngavigiinnarlugu Pisortat ingerlatsineranni suliassat suliarineqartarnerannut inatsimmi maleruagassat sullissinermi ileqqorissaarnissamut naleqquttuuppat?
7. Piffissami qanittumi tunisisinnaanermut ullormik kingullermik immikkut akuersissut KNI-mut nalunaarutigineqartoq assersuutigalugu Qeqertarsuup tunuani imaluunniit sikusartuni allani siunnerukkut pissutsinut naleqqiullugu suliffeqarfiup nioqqutissanik pilersuineranik killiliisinnaava, imaluunniit ajornartorsiortitsinnaava?
8. Inuussutissat pillugit naalakkersuinikkut nassuiaammi (UKA 2004/60) oqaatigineqarpoq sumiiffiinni atuisut siunnersuisoqatigiivi (taamani) inuutissanik nioqqutissiorfinni nalunaarsuinernik ajortunngujaassuserluumi ulluliinernik nakkutillisuusut, taakkulu aamma nakkutillinermut annertunerusumik akuuttittariaqartut, taamaallitutik atuisut siunnersuisoqatigiivi nillartaartitsivinni, qerititsivinni, qerititsiviutigalutik nillartaartitsivinni kiisalu nioqqutissiorfiit namminneq imminnut nakkutiginerminnut atatillugu inatsisit malillugit kissatsutsinik nillissutsinillu uutuisarnissaat ilanngullugu. Taama aallarniiniarneq atuutsinneqalersimava, taamaangippallu maannakkut qanoq inissisimasoqarpa?
9. Inuussutissat pillugit naalakkersuinikkut nassuiaammi siunnersuutigisat piviusungortinnissaat sumut killippat?
10. Tamatumani maleruagassat ataatsimut isigalugit pissusissamisoortutut ullutsinullu naleqquttutut Naalakkersuisunit isigineqarpat? Taamaangippallu pineqartumi allannguinnissanut Naalakkersuisut qanoq takorluugaqarpat? Takorluuisoqarsimappallu tassunga tunngasumik suliassat qanoq piffissatigut killilerneqarsimappat?

tulleriiaarinerillu qanoq inissitsiterneqarpat? *Inuussutissanik nersutillu naapaa-taannik inunnut tunillaassorsinnaasunik nakkutilliineq pillugu Inatsisartut peqqus-sutaat nr. 17, 28. oktober 1993-imeersoq 2001-imili aallanngortinneqar-simanngitsoq apeqqutigineqartumut tunuliaqutaavoq.*

11. Pineqartumut attuumassuteqarsinnaasunik allanik Naalakkersuisut ilanngussassa-qarsinnaappat?

Tungavilersuut:

Aningaasaqarnermut Ataatsimiititaliami suleqataaniinni paasisimavara ukiut arlallit inger-lanerini ullormik killiliisartutut taaguuserneqarsimasunit KNI immikkut akuersissutinik ataavartumik tunineqartarsimasoq. Immikkut akuersinerit isumatusaarneq tunggavi-galugu pisarsimasorinarput, inuussutissammi ullormik aalajangersimasumik tuniniar-neqarnerinik killiliineq immi inuutissap pineqartup peqqinnermut navianartorsior-titsilernissaanik kinguneqartariaqanngimmat.

Ilisimasat naapertorlugit nunatsinni manniit nalunaaqutsernerini ullup kingulliup kingorna qaammaammik ataatsimik kingusinnerusumik ajornartorsiutitaqanngitsumik tuniniar-neqarsinnaasut assersuutaalluarsinnaavoq. Ilaatigummi nunatsinni silap pissusaa, minne-runngitsumillu sikusartuni, apeqqutaasarpoq. Ukioq naallugu nunap immikkoortuisa ilaat inuutissanik nutaanik pilersorneqarsinnaasangillat, taamaammallu nuna tamakkerlugu umiarsuarnik assartuutinik inuutissanik pilersuineq attatiinnarneqassappat ullunik killiler-suineq immikkut akuersinikkut allanngortinneqarsinnaasariaqartarluni.

Taammaattorli paasitinneqarneq naapertorlugu ullunik killilersuinerni immikkut akuersi-sarnerit amerlassussaata ikilisarneqarput. Soorunalimi tamatta inuutissanik peqqinnar-tunik nutaanillu perusuttaratta tamanna tusaannarlugu iluarinarsinnaavoq Imaappalli immikkut akuersisarnerit tunggaviatigut ikilisarniaannarlugit ikiliartortinneqartut, immik-kullu akuersisarnerit ukiup annersaani pilersuinernik annertusisanik malitseqanngippata ataatsimut isigalugu ernumanartoqaneranik eqqarsarnissaq pissutissaqarpoq. Nunatsinni innuttaasut inuutissanik pilersorneqarneranni silatusaarluarnissaq ilaatissallugu pui-gussanngilarput, inuutissanimmi innuttaasunit akilerusunneqartunik akilerneqarsinnaasu-nillu pilersuisinnaaneq qulakkeertariaqarpoq.

Ullut suliffiit qulit ingerlanerini akineqarnissara kissaatigissavara.